



Tuhaqtidjutikhaq

Qilamik Tuhaqtauyukhaq

Tutqikhiuk aanniarutiqaliqtuq Qalagyuarniq 19mik Nunavunmi

IQALUIT, Nunavut (Qiqaijaluarvia 2, 2020) – Dr. Michael Patterson, Nunavunmi Atanilluaq Nunalaani Aanniaqtailinikkut Havaktimit, tuhaqtitiyuq aanniarutiqalirmiyuq Qalagjuarniq-19 talvani Mary River Uyaraqhiuqtunik, 176nik unghiktilaaqaqtuq hivuraani Mittimatalikmin.

“Tamna inuk avaliingartitauliqtuq aihiqpangnin havaktinin naminaqturlu hadja. Qanuriliurutikhanga munagiyauliqtuq, naunaiyaiyumayungalu Nunavunmiutat una inuk tikilihaaqhimayuuq nunaptingnun havaktukharmik, katimaqatigingitaingit akkun'nganirmi Mary Rivermi havaktiingit avatainiituniklu nunalaangitni,” uqallakhimayuuq Dr. Patterson.

Nunavunmiutaqangitun inungnik havakhimayunik uvani Mary Rivermi Uyarakhuiqtini uvanga Qiqaijalirviani. Havagviangit Aanniaqtailiqiyitkut munagihimaalitaat qanuriliurutikhangit upalungaikhimayutlu tuniyaangat ikayuutikharnik kiudjutikharnik pigiaqagumik atuqtakharnik. Qikiqtaaluk aulatitiliqtaat Qalagjuarniq-19 malikhautikhangit aulatitiliqhugitlu katimadjutigivakhimayainik inungnik allanik. Tamaita tapkuat katimaqatigivakhimayaingit avaliingartitaulirmiuyut. Taima una avaliqangitnami aanniaqtuqaqtuq, auladjutikhangit talvani Mary River uyaraqhiuqtunik aulahimaaqtun hadja.

“Ihumalugiaqangitun Nunavunmiutat hiamitiqtukhamik Qalagjuarniq-19mik aulanikkut uminga aanniaqtumi,” uqallakhimayuuq Ministauyuq Aanniaqtailinirmut George Hickee. “Tamaat ihuaqtumik munagidjutikharnik aulalirmiyut, havaktingitlu uvani uyaraqhiuqtunik katimaqatigivakhimangitun nunalaani inungnik. Nigiuktugut una inuk qilaminuaq mamidjavuuq. Itqaumaluhi tamapta auladjutikharnik havagiaqaqtugut kiklivikharnik aulaniqaqtuq hiamitirnitumik Qalagjuarniq-19, hadja atuqtakhaliqtakhavut qayagihimaaqtukhaliqtuhi nunalaani aanniaqtailinirmut uktuutikhaliqtainik.”

Aulalirmiuyuuq una hadja ayungnautiqangituuq hadja nunalaami aanniaqtailinirmut uktuutikharnik, *Nunavutim Aulavikhangit* unaluuniit Naunaiyagiikhimayuuq Tingmiyukharnik Hanigainik akkun'ngani Nunavunmi Nunatsimilu.

Inuk kituliqaak ihumagumik akuktauvaktun Qalagyuarniq-19min uqaqtauyut hivayaqtauyakhait COVID-hotline uvani 1-888-975-8601 talvuuna 10mi ublaami 6mun unukpak, ilitugipkaklutiklu nunalaani munarhitkut qilaminuaq, talvuuna qilaminuaq anilimaiqtukhauyut 14nik ublurnik. Munarhiliaqtailutin upautihuirlugit.

Aanniarutigivaktait qalagjuarnirmut COVID-19 ukuat kidjakhutik, qalakturhutik ayuqhakhutiklu anirhaariami. Ihuatqiyauyuq munagidjutikharnik hiamitiqtailinikkut piyaanganikluuniit aanniarutmik inungnit qanitugiikhimaitumik, uaqatarlugit algatun taima 20nik secondsnik, qalakhurlutin airnun taryuguvitlu aihimahimaanginarlutinlu.

Nuutaamik ilituqhaidjutikharnik tuniyauniaqtun talvuuna katimaryuarnikkut 2mungaqaan ublumi.

###

Tuhaqtidjutikhanut Uqarvikhaq:

Cate Macleod
Tuhaqtakhanut Titiraktiujuk uumunga
Hivuliqtimun Savikataaq
867-975-5059
cmacleod@gov.nu.ca

Scott Hitchcox
Tuhaqtipkainirmut Ajuittiaqhimajuq
Aanniaqtailinikkut Havagvia
867-975-5712
shitchcox@gov.nu.ca

ᐱᑦᑲᑦᑲᑦᑲᑦ ᑕᐱᑦᑲᑦᑲᑦᑲᑦ ᐱᑦᑲᑦᑲᑦᑲᑦ ᐱᑦᑲᑦᑲᑦᑲᑦ, ᑲᑦᑲᑦᑲᑦᑲᑦ, ᐱᑦᑲᑦᑲᑦᑲᑦ ᐱᑦᑲᑦᑲᑦᑲᑦ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatitut, Inuinnaqtun Uiviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.